

浮山縣志卷八

黨政

慨自滿清失政國運日替堂堂華國不齒於列強濟濟衣冠被輕於異族有志之士不能不痛心疾首此中國革命之所由生而顛覆清政府之舉所由起也浮邑閉塞向無從事作黨者北伐成功後二三同志方汲汲於黨務設立直屬區黨部從事講演指導各工作庶人民可以日漸覺悟而不至有所誤會也志黨政

組織

十六年省黨務改組委員會王雲奇蓋培才侯松秀爲本縣黨

浮山縣志

卷八 黨政

一

務籌備委員十七年省黨務指導委員會成立委侯松秀王雲奇爲本縣指導員組臨時登記處嗣王雲奇因故出走另委徐映霞爲指導員此時登記黨員共四十二人十八年三月間第一次區代表大會選舉侯松秀蓋培材魯英臣喬國相柏毓峻爲執行委員衛紹閔孫增祥爲候補柴成棟爲監察委員陳柏齡爲候補成立浮山獨立區黨部二十年改直屬區黨部執行委員減爲三人選侯松秀魯英臣柏毓峻連任衛紹閔爲候補陳柏齡爲監察委員喬國相候補屬區分部三第一區分部在城內黨員十九人第二區分部在北王村黨員十一人第三區分部在响水河鎮黨員十二人